



امور داخلیه

حضرت شاهانه دن لطفا واحسانا حق بندکانه بوجمله اظهار بیوریش
اولان روی التفات عالینک مشاهده سبله سیمای احوال بندکانه رونما اولان
کمال بشاشت و مفخرت جلوه نمای مریای بداهت اوله رق مشایخ سعیدیه دن
حصیری زاده سلیمان صدیق افندی بالصدق والاخلاص دعای بقای
بحر ودوات و اقبال و تنای توافر شان واجلال ملوکانه بی ادبانه شیخ مومی الیه
فراجه اکسا و موزیکه چالندرق مرام شادی و سرور اجرا و مشارالیه
وصاف افندی حضرتلری دائره سنیة حضرت صدرعالیده بر مقدار توقف ابله
قهوه و شربت رسملری دخی ایضا اولندقدن صکره سنک رکابده جانب عالی
منافق صدارتینلر ایدن کشیده قلنسان مزین اسبیه سوار ابله عودت
ایستلر در

انا طولی قاضی عسکری یوسف پاشا زاده محمد نظیف بک افندی حضرتلرینک عفت
ودرایت وجاه جلیل مذکورده ظهوره کلان صدق واستقامت لری محظوظیت
حضرت شهنشاهی بی مستوجب اولوب اشوب جادی الاولی غایتده ختامه
رسیده اوله جق مدت معینه رینه دوت ماه مد و عواطف شاملة العوارف
حضرت شاهانه دن شهر مزبورک اوچینی کونشدن اعتبارا صدارت
روم ایل رتبه جلیله سی احسان وینه یوم مذکورده اعتبارا مکة مکرمه
پایه لورندن سابقا خواص رفیعہ قاضی عمر اغا زاده محمد توفیق بک
افندی به اسلامبول پایه سی و مشایخ فضلای موالی فضلندن سابقا بروسه
قاضی کتخدا زاده محمد عارف افندی به کذلک یوم مزبورده اعتبارا
مکة مکرمه پایه سی توجیه بیوریلر رق هر بری لطف والتفات شاهانه ابله
مسرور و شادان بیورلشدن

ذخیره ناظری بولسان رجال دولت علیه دن سعادت لوهادی افندی حضرتلری
مقتضای مأموریتی اوزره نظارت مذکورده مصالحت اداره و تسویه سنه
صرف اعتنا و دقت ایتمکده ایسه ده ذخیره لازمک وقت و زمانیکه در سعادت
جلب و ندادکی و تلفدن حفظ و وقایه سی ابله سکنة دار السلطنة السنیة نک
ذخیره ماده سنده زجت چکما لری مراد هر جت اعتیاد شاهانه اولدیغنه
و بومقصودک دلخواه عالی وجهله حصول ذخیره مصلحت و قوف تامه سی
اولان برذلک مأموریتی لازم کلدیکنه بناء ذخیره ناظری سابق سعادت لوجای
ولی اغا مدت مدیده ذخیره مصلحتی ایچنده بولتمش و نظارت مذکورده ده دخی
قوللائش اولدیغندن هر وجهله تحصیل معلومات ایتمش اولسی جهله
قریحه مکارم صریحه حضرت شاهانه دن اغای مومی الیه ذخیره ناظری
نصب و تعیین اولتمشی خصوصه اراده سنیة جناب ملوکانه شرف افزای
سنوح و صدور بیورلش و موجبه اغای مومی الیه نظارت مذکورده توجیه
واجرا واقضا ایدن خلعتی اکسا اولنشدن

مصر والیسی دولتلو محمد علی پاشا حضرتلرینک قبو کتخداتی خدمتده
بولسان کاهلی زاده مصطفی نظیف افندی بولندن اقدام وفات ایتمش اولسی
جهتله والی مشارالیه حضرتلرینه برینک قبو کتخداسی نصب و تعیین
لازم کیش اولدیغندن متوفای مومی الیهک سایه عنایتوایه حضرت شاهانه ده
شمع خاندانی اشده الطاف سنیة جناب پادشاهی ابله از سرنو فر و زان
اولسی اراده سبله متوفای مومی الیهک بخندومی اسماعیل مفید بک قبو
کتخداسی نصی شان مکارم نشان حضرت ملوکانه اقتضاسدن کورنمش

شیخ جلیله کمال بنده نوازی حضرت شهنشاهی مقتضاسدن ناشی کافه
بندکان حقارنده هر در او لطف والتفات و عنایات مکارم غایات جناب ملوکانه
شایان و ارزان بیورلقد اولدیغندن بودفعه صنوف عسا کر نظامیه شاهانه به
باعث افتخار و سبب شوق و مسارا و ملق اوزره احسان بیورلدیغنی مثللو الجله
باب عالی بندکانه دخی مستلزم کمال مباهات و استبشار اولق اراده التفات عاده سبله
جلا بخش اینده لطافت و فروغ افزای باصره مفخرت اولان بر قطعه
تصویر همایون محاسن نمون جناب شهر یاری احسان بیوریلر جغی بر قاج کون اولیه
اخبار قلنش والای ترتیبه قیام و مبادرت اولنش اولدیغندن اشوب جادی الاولینک
اوچینی صالی کونی قرنای حضرت ملوکانه دن مابین همایون فیض مشحون
شاهانه خدمت کتایت مستوجب المفخرتیه مشرف و مباهی عطوفت و وصاف
افندی حضرتلری و ساطتیه ارسانه امر و اراده بیوریلر رق یوم مذکورده
ارباب الایک جلیله سی الثواب رسمیه و نشان ذیشانلریله بانچه قبوسنه مجتمع اوله رق
افندی مشارالیه حضرتلری محل مذکورده وصولنده حامل اولدیغنی تصویر
همایون مهر نمون شاهانه بی فیطون دروننه وضع ابله ابتدا تشریفات همایون
مأمورلری و بعده ابدیه خاصه خلقتی و بعده ذخیره خزینه سی و حرینه
و طوبخانه و اوقاف همایون و حرمین شریفین خزینه لری مأمورلری افندیلر
و بعده دفترخانه و ترسانه عامره و باب دفتری و ضربخانه عامره مأمورلری
و بعده فسخانه و مصرف و باب سر عسکری و منصوره خزینه سی مأمورلری
و بعده باب عالی مأمورلری افندیلر و ائندن صکره رتبه زابعده بولسان افندیلر
و بعده سر بوابین رکاب همایون اغار و بعده رتبه ثانیته بولسان افندیلر
و بعده میراخور و کتخدای بوابین حضرت شهر یاری بکر و ائندن صکره
رتبه ثانیته اصحابندن اولان ذوات و بعده منصوره و ضربخانه عامره و دفتر دارلری
مشیران بنام عطوفت و افندیلر حضراتی و بعده امور ملکیه و خارجیه
نظارت جلیله لرنده بولسان مشیران معالی عنوان حضراتی و بعده فیطون
همایون اوکنده قواسان صدر عالی و عسا کر منصوره چاوشانی و ملازم لری
و یوزباشی و قول اغاری و یکباشی اغار و فیطون همایوندن صکره مشارالیه
وصاف افندی حضرتلری و بعده تلخیصی اغار و کدکلوزما مختار لریله
کدکلوزما اغار و بعده سواری عسا کر منصوره ضابطاتی و بعده
پیاده عسا کر منصوره نقراتی علی الترتیب الای والای ابله ذکر اولنسان بانچه
قیوسندن استقبال و خواجه پاشادن جغاله سر ایندن و قبالی فرندن دیوان بولنه
حقیقه رق صوغوق چشمه پیشکاهندن باب عالی به ایصال برله طرف والای
سیر عسکریدن مأمور و تعیین قلنسان عسا کر منصوره شاهانه ایکی طرفلی
استاده موفق سلام و درون باب عالی به صف بستن نظام ثریا انتظام اولان
برطابور عسا کر منصوره ضابطان و نقراتی و خدمه سائره هر کز سلامده
قیام ابله سنک رکابده کاندکده ذات والای حضرت صدر اعظمی و مشیران
ایمیت عنوان مشارالیه حضراتی تصویر همایونی فیطوندن اخراج و دیوانخانه
عالیده واقع و مجد تنظیم اولنسان جای والایه وضع و تعلیق اولنوب طرف اشرف



ووالی مشار الیه حضرت نوری طرفین دخی بود دفعه نیاز و التماس اولمش
اولد یغندن شرفسون و صدور بیوریلان اراده سینه حضرت جهان بانی
مقتضای منبی اوزره میرموی الیه باب عالی به جلب الیه عواطف علیه
شاهانه دن عهده سینه مجددا دیوان همایون خواجه لکی توجیه ووالی
مشار الیه ایله محدودملری عطوفتو ابراهیم پاشا حضرت نرینه قبول کندی
نصب و اجرا و خدمت لازمه سی اکسا قلمشدر

مکه مکرمه قاضیسی نصب و تعیین اولشان متوفی و اصف افندی زاده
لیب افندی ارباب سخن و معارفدن اوله رق مسرات واقعه و آثار و میرات
حضرت شاهانه ضمیمه کمال صدق و اخلاص داعیانہ سندن ناشی توارخ
وقضاید انشادیه مدایح سینه جناب ملوکانه بی نقض صدیقه افتخار اتمکده
اولد یغنه و کندوسی دخی اصداقای دعا کویان حضرت شهنشاهیدن
ایدوکنه بناء صوب مقصوده منی عزیمت اولد یغنی حالدہ حقنہ لوا مع
جوهر بی بهای لطف و احسان جهان بانی فروغ افشان و حضور معالج و فور
خلافتیاهی به دخول شرفیله مسرور الجنان و افندی موی الیه
باصره پیرای ابتهاج و افتخاری اولق اوزره کندوسنه بر قطعه جوهر قوطی
عنایت و احسان بیوریلشدر

حضرت ابو ایوب الانصاری رضی عنه ربه الباری جامع شریفی امام اولی
وسلطان احد خان جامع جلیلی جمعه واعظی اولان رئیس الاقرا و تحفه
اجله صلحا الشیخ الحاج عبده افندی کچین شهر ربيع الاخرک بدیعی مبارک
خبس کونی جوار رحمت رحمانه انتقال ایلکده نمازی جم غفیر علما و صلحا
جامع شریف مذکورده حاضر اولوب ادا ایلد کاردن صکره مرحوم
موی الیه حیاتنده اعداد ایلدیکی جوار زبده شریفه ده کی قبرده دفین لحد
غفران اولشدر مرحوم موی الیه جامع اشانت علوم و قدوه اصحاب فہوم
اولد قلرندن تقدینہ عمر عزیز بی نشر علوم نافعه و عمر ناپیدن عبارت اولان
آثار خیریه علمیه بدل و صرف ایدوب ان آثارنا ندل علینا قولی تأیید ایلش
صاحب سلوک بر ذات کرامت صفات ایدوکی مسلم و مقبول ارباب قبول
اولان السنه متوعده تالیفات عیدہ سی برهان کافدر جملہ دن بی
الحالہ هذه خط دستیلہ اخلافک نزدندہ زیور صندوق تبرک اولان
تالیقاتنندن لوا مع الدر و آثار خالده و ترکی العبارة احکام المسافرین
ورسالہ فین دفن فی جوار ابی ایوب الانصاری و رحمانہ من التفسیر
ومنشأ و جوهات قرآنیه دن ایضا الطقرا و نصایح الملوک
وفضائل رمی السهام و تحفه الامام و هدیة الحاج فی المناسک
و تحفه الباری و احوال مدینة المنوره و ترجمه آثار نقشبندیہ لالشیخ مراد
واحد الطر بزونی و ترجمه الاحادیث القدسیہ و حاشیة الخبالی و ترجمه
احوال الشیخ الشاذلی و میزان الوجوهات و ترجمه مرآت المناظرین
و ذکر المتأهلین و شرح الاظهار و تکملة حاشیة الجامی و بیوریلدن ماعدا
تعلیقات نفیسه و اتمام علم نحو دن وفنون ساثره دن آثار لری یادکار روزگاردر
جعل سعیه مشکورا و عملہ مبرورا

مرحوم موی الیه عهده سندن محله اولان و عطیہ جمعه در جامع سلطان
احمد خان مشیخی جامع سلیمانیه شینی یاری زاده الشیخ حافظ احمد
افندی به بری جامع سلطان بایزید خان شینی السید حافظ محمد مراد
افندی به بری جامع فاتح سلطان محمد خان شینی قوبحزاری درسام
الشیخ علی افندی به بری جامع نور عثمانی شینی محدث السید عمر افندی
زاده السید الشیخ محمد امین افندی به بری جامع سلطان سلیم خان شینی
هدایت جامعی امام اولی السید الشیخ الحاج حافظ مصطفی افندی به بری
جامع ابی ایوب الانصاری رضی عنه الباری شینی شیخ فیض افندی زاده
السید الشیخ محمد رشید افندی به بری جامع جدید همایون در لاله شینی
قنوی السید الشیخ خلیل افندی به بری جامع والده سلطان در استانبول
شینی کردی در سام الشیخ سلیمان افندی به بری جامع شهر زاده سلطان
محمد شینی ملک خواجه زاده السید الشیخ حافظ محمد اشرف افندی به بری
جامع والده سلطان در اسکدار شینی نصرت جامعی امام اولی طر نویلی السید

الشیخ علی افندی به بری جامع جدید همایون در اسکدار در قرب ایازمه
شینی حضرت زاده الشیخ سلیمان صدق افندی به بری جامع جدید
همایون در بکر بکی شینی در سام الشیخ خطاط حسن افندی به بری
جامع والده سلطان در خاککوی شینی السید الشیخ حسن و هی افندی به
بری جامع جدید سلیمه در اسکدار شینی الحاج عبده افندی زاده الشیخ
حافظ محمد امین افندی به بری جامع جدید همایون هدایت بر زبده باب باخچه
شینی فارسی الشیخ محمد افندی به بری جامع جدید همایون عدلیه در سرای
شمسی پاشا در اسکدار شینی القروی الشیخ محمد افندی به بری جامع جدید
همایون نصرت شینی راغب پاشا حافظ کتی مدرجی الشیخ محمد در اشدر
افندی به بری جامع جدید همایون توفیقہ شینی طر بزونی الشیخ علی
افندی به بری جامع جدید همایون مکتب حر بیہ در قرب بشکطاش شینی
نوشهری السید الشیخ احد افندی به بری کچین شهر ربيع الاخرک اون اوچینی
کونی الشیخ جوامع سلاطین عظام طریقہ ذیل اولنه رق رای جفتلکی
قشلاخ همایونی جامع شریفک جمعه واعظی نوچیه بیوریلان
جامع جدید همایون نصرت امام ثانیسی عبدالعزیز افندی به بری لدی الامتحان
اهلیت و حبشی نمایان اولان زمره محبلی شریف حافظ مصطفی افندی به
توجید اولتوب اشو جادی الاولانک بدیعی کونیلہ مورخ بشقه بشقه رؤس
همایونلری و برلشدر

مواد عسکریه

جناب ترتیب فرمای صور اشیا نمره دانه عن النصور بالشک والامرا شوکتلو
مہاتلو کر املو بادشاهز پادشاه منقول النعم و شهنشاه بمدوح الشیم
افندی حضرت نرینک عنوان جریده بحمد دیت و کوهر کان موفقت اولان
وجود و عنایت مرصود پادشاهانه لرینی زیور آرای ارتک تشدرستی
وعاقبت و کمال سرور و انبساط الیه الی یوم القیام رونق پیرای اورنک
شهنشاهی و خلافت و لوحه قلب الهام جلب خلافتیہلیرین نکارخانه
تصاویر بلججت و مسرت بیوروب دائما سایه طوبی وایہ خسروانه لرین
ظل افکن مفارق عباد ویت الشرف خواهند کان عدل و داد بیورسون
آیین هر بار تحفه افکار و تصورات جهانیا نلری تلطف بندکان صداقت
عنوان و رغبت و تشویق عساکر نصرت نشانلری امریہ مصر و ف
و هم مکارم توأم تاجدار بلری همه آن رسوم معالیزوم جنود پروری
و نوازش کسری به معطوف و محصر بیوریلہ رق دعای دوام عمر و شوکت
شاهانه و قوام شای برورافت خسروانه لری ایفا سبلہ کافه بندکان
صداقت نشانلری مواظب و منکر اولوب نکته آموز عقل کل اولان مسائل
بحسنه مختل لطف و عاطفت جهانیا نلیرین تصویر و عنایت سابقه و لاحقہ
خدا یکانلیرین بو وجهله دخی تقریر بیورمقی ضمیمه کچین سنه مبارکده
مجموده کائن مکتب علوم حر بیہ شاهانه به واشو سنه عمیہ المنجہ شهر
ربیع الاولندہ رامیہ واقع قشلاق همایونہ وینہ ماه مذکورده سلیمیه
کائن قشلاق والایہ عنایت و احسان بیوریلان تصویر مہاتو فیر جناب
پادشاهی مثل لوبک اوغلی نام موقعده کائن طویچی قشلاق همایونہ دخی
چشم مباهات بندکان صداقت عنوانلری قریر بیورلوق اراده کرامت عاده سبلہ
برقطه تصویر عالی نظیر جناب پادشاهی عنایت و احسان بیوریلہ جنی
مشیر طو بخانه عامرہ دوللو خلیل رفعت پاشا حضرت نرینه تبشیر و ایما
و شهر ربيع الاخرک بکریمی بریمی بحسنه کونی ارسالی تصحیبات علیہ
اقتضاسندن ایدوکی امر و فرمان بیورلش ایدوکنه منی صورت امر و فرمان
حضرت ملوکانه طرف والا ی حضرت سر عسکری به و داماد ثانی جناب
جهانیا نل دولتوسعید پاشا حضرت نرینه اشعار و انہ و نشر یلری خصوصی
استدعا قلمش و امر اوضا بطان عساکر منصورہ شاهانه و طو بخانه
عامرہ و خبرہ خانه معمرہ عساکر منصورہ سی ضابطانک یوم مذکورده
علی البحر طو بخانه ساحه سی زنده کائن تفکخانه پیشکاهنده موجود
بولملری التماس اولمش و ترسانہ عامرہ سنجاق بکرلی و عساکر
بحر بیہ ضابطانک کلری قبودان دریا فاقمقای دولتوسعید پاشا حضرت نلری

طرفند کند و در افاده یورش اولدیغدن ضابطان موی الیم مھری
نشان دیشان و صرمه لو آفر البسه رسمیه واپوالمیرله کاش و عساکر متظمه
بحر به دن نام بر طابور دخی نورسم سنجاقلی سندالار الیه رسم حسن واسلوب
مستحسن بحریه اوزره بر صرده تفکیکخانه مذکور قیامده واقع اسکله دن
یکوراش و مراسم استقبال والقبشک اجرایی ضمنده عساکر خاصه
شاهانه نک ایکی طابوری وارالنده طوپی برنجی الای طو پلرندن الی قطعه
طوب و مکمل الای موز بقدر بله کوش صوبی نام موقعده و عساکر بحریه دن
دخی بر طابور نام موز بقدر بله محل مذکور و عساکر خاصه شاهانه نک
چاوشلر الیه وسطلرند کذلک طوپی پیاده برنجی الای طو پلرندن اون ایکی
قطعه طوب و موز بقدر بله عساکر منصوره نک بکر مخی الای طوله باغچه
پیشکاهندن چفته ساقزل تعمیر اولنان عمله واریجه و عساکر منصوره
خیرالدین پاشا اواسنک ایکی الای و مهمات حریره عساکر منصوره سنک
بر طابوری وسطلرند پیاده طوپی ایکی الای طو پلرندن ایکی قطعه طوب
و نام الای موز بقدر بله کوش تفکیکدن قشلاق پیشکاهنده کاش صورتاز و سنه
قدر و عساکر صورت تیارلوسوار پلرندن عصمت پاشا اواسنک برنجی و ایکی
الایلی کند و در مخصوص اتلو موز بقدر لی و وسطلرند طوپی پیاده
ایکی الای طو پلرندن اون ایکی قطعه طوب الیه ساقز اغاجی فرسوشنده
کاش سنه انجسارلار دن نام بازار کاش چفته ایکی ساحه سنده و طو پخانه
عامره چاوشلری کوش تفکیکدن صورتاز و سنه قدر و خیره خانه عامره دن
بر طابور مکمل موز بقدر بله و طو پخانه عامره نک بر طابور سواری عساکری
کذلک اتلو موز بقدر بله ایکی کوش صورتاز و سنه قشلاق همایون پیشکاهنه
قدر و عساکر خاصه شاهانه سوار پلرندن ضیا پاشا اواسنک ایکی الای
صاغ وصول باشلرند اوچر قطعه طوب و موز بقدر بله و طو پخانه
عامره و خیره خانه عامره سوار پلرندن اوچ طابوریش ایکی قطعه طوب
الیه قشلاق همایونک جوانب اربعه سنده و درت قطعه طوب الیه پیشکاه
قشلاقده واقع ترلده صف آرای مقام سلام و نگاه بیری ورود تصویر
همایون شهنشاه اسکندر غلام اوشلر و طوله باغچه دن قشلاق همایونه
و ارنجه دکن قرقر آدم فاصله الیه سواری و پیاده قره غوللری دخی وضع
و تخصیص قلمش اولدیغی حالده ترتیب الای والایه مبادرت اولندرق سالف
الذکر امر اوضابطان موی الیم امیرلرینه راکب و خیره خانه عامره
و طو پخانه معمره الایلر ن یوز نفر لازم و یوز باشی ماشیاییشرو الای
والای بهجت مناقب اواش و تصویر همایون دخی نهیته یورش اولدیغنه
مینی احضار اولنان فیطون سنک رکابه کشیده قله رق معرزا محله وضع
برله شکطش ساحه برای همایونک طواه باغچه به ناظر قیوسندن اخراج
و داماد اول حضرت پادشاهی دولتو خلیل رفعت پاشا و داماد ثانی جناب
جهان بانی دولتو سعید پاشا و شیر عساکر خاصه شاهانه دولتو احمد
فوزی پاشا و جرم سنجاقی متصرفی دولتو مصطفی نوری پاشا حضراتی
و رجال دولت علیه دن طو پخانه عامره ناظری عطا و قتلو الحاج صائب
افندی حضرتلری فیطون مذکورک اوکنده و بو خدمت مستلزم المفخره
مأمور یور یوزن خواص مقر بین حضرت ملوکانه دن مابین کابینه مقنن
عطو قتلو سعیدیک افندی حضرتلریله ذات حضرت سر عسکری ارقه سنده
اولرق قشلاق همایون مذکور عزمت اولنش و کال بنده پروری و نوازش کسری
جناب جهان بانی اقتضای اوزره ذات کروی صفات حضرت شاهانه دخی
احسان علی الاحسان اوانی اوزره الای مذکورک تماشایی ضمنده طوله باغچه
قصر همایونی قاروشنده کاش مقر بین حضرت ملوکانه دن عطو قتلو
عزت یک افندی قوناعی تشریفه رغبت یورش اولمغله برهنوال محرم
نظیره خورشید ضیا کسرا اولان تصویر عظیم ملوکانه فیطون مذکور الیه
صف بسته نظام ثریا نظام اولان عساکرک ازه سندن امرار و مشاهده
اولدیغنه اقتباس شسته سرور و پیشمار و موز بقدر الیه رسم سلامی
اجرا برله پادشاهم جوقی پشادعاسی یاد و ند کار اولنه رق قشلاق مذکور
نقر بد مأمور الای اولان ضابطان و برلوی صداقتشان و فریق معالیه و ان

و وزیرای مشارالیم حضراتی اسلرندن نزول و تکرار تصویر همایونی استقبال
و فیطون مذکور محله ایصال اولندقد مشیر مشارالیه دولتو خلیل رفعت پاشا
حضرتلری تصویر عالی مذکور کوری کمال تعظیم و تکریم الیه اخذ و درون
قشلاقده اغراستوفه و شال الیه مزین و رنگارنگ پرده لایله معنون تنظیم قلمش
جای معلایه وضع و توشیح واستحضار اولنان قرابین متعدد تزییح اولنش
و بو عنایت جلیله حضرت شهنشاهی سرمایه مباحات و مفخرت عدا اولندرق
طریق سنبله دن فندقلیده کاش غنوده مرقد معطر کشتی جعفر افندی
خانصاه فیض اکشاهنده پوست نشین ارشاد و رهنمای توفیق واستعداد اولان
اصدقای داعیان دولت علیه دن شیخ بوئس افندی دست برداشته درگاه
جناب رب العباد اوله رق تمادی ایام عمر وشوکت حضرت شهنشاهی
و منصوره عساکر نصرت مآثر پادشاهی ادعیه مستجابیه سنی تعیرات بدیع الیه
ایصال بارگاه جناب کبریا و بالجله حضار امین کویای دعا اوله رق در حال
یکرمی بر باره طوب انداخت قلمش رق مراسم تعظیم و تکریمه مبادرت قلمش
و بر مقدار ارادن صکره موجود اولان عساکر و طو پلر اشارت و قوماند
اولنه رق نوبت آتش اصوله مبادرت و یارم ساعتدن صکره تکرار
نوبت آتشی ایفا اولنش و بعده عساکر مر قومه طاق طاق قشلاق همایونه
جلب و مشیر مشارالیه حضرتلری قیام اوزره اولدیغی حالده تصویر عالی
مذکور پیشکاهندن امرار ایتمیر بله رک و امر قوندانی سواری طوپی میرالای
حاجی علی یک بلند اواز الیه اجرا ایدرک شرف عالمهای تماشاییله استحصال
سرور بی قیاس و ولی نعمتربنک کند و درینه بو وجهله دخی صورتمای
مرآت بروز اولان لطف و عاطفت ملوکانه سنک ایضای تحدید و تشریح
موجب اوله جوق خدمتانه مظهر یتلری تماشاییله بلوک بلوک پادشاهم جوق پیش
دعاشی براغزدن اواز بلند الیه طاق نه رواق کرد و نه مماس ایلسلرد
یوم مذکور احشامه بی قشلاق مذکورک جوانب اربعه سنی قادیل کثیره الیه
ترتیب و انواع صنایع آتشبازی و فشک اندازی اجرا سلیله ساحه قشلاق
مذکور نمونه نمای سپهر برین و طوپی عساکری بو یوزدن دخی کمال سرور
و ابتهاج رهن قلمشدر

✽ فنون ✽

اهم طراز دینیہ واعظم شعار اسلامیه دن اولان سنت سنیه خشاک کافه
احکام و کیفیات حای و حقوق مولود و فوائد ساره لازمه و مسائل
مخصوصه مهمه بی محتوی اولدیغی وجهله سور همایون ختان اشاسی
قارصی خواجه محمد افندی زاده جمال الدین افندی ترک العبارہ مختصر و مفید
اولرق کتب معتبره دن تلفیق و تألیف و حضور شاهانه به تقدیم ایلمدیگی رساله
مقبوله نک طبع و نشر الیه انتفاعی خصوصه اراده کرامتاده ملوکانه تعلیق
ایتمکله تقویم وقایع مطبوعه سنده طبع و تمثیل و تجلید و انوب مصارف
ضروریه سی اقتضاسیله بهری اوچر غروش معتدل بها الیه طبعخانه
عامره ده فروخت اولمغده و یارس اطبا سندن شومل نام طیب خاذق
فن جلیل طبین تألیفی اولوب فضیلتو خواجه الحاج عبدالرحیم افندی
مخدومی طبعخانه عامره باش خواجه سی مدرسین کرامدن عثمان صائب
افندی ترجمه ایلمدیگی مباحث امر ارض نام کتب هرکس حقیقه منفعتی
بی ارباب اولمغله کذلک طبع و نشر الیه انتفاع اولنسی موجب اراده سنیه دن
اولمغله طبعخانه عامره ده طبع و تمثیل و تجلیدی رسیده ختام اولوب بهری سکرر
غروش معتدل فی الیه صالمقده ایدوکی * و یوز اون برنجی دفعه
رقبله طبع اولنان تقویم وقایعدن یوز اونوز اوچنجی تقویم وقایعنه
دکین مواد شرو عنک بشنی سنه سی اوله رق بر سنه لک مواد دن
عبارت اولمغله بوندن مقدم ترتیب و طبع اولنوب طبعخانه ده فروخت اولندیغی
مثلا و اشبو مدته دخی ظهوره کلان وقایعه تسهیل مطالعه ایچون برقطعه
فهرست ترتیب برله طبع و مصارف مستفله سی اقتضاسیجه به بهرینه ایکیش
غروش فی وضع اولندیغی و شرارسته طالب اولنرک طبعخانه عامره دن
اشتراری اخطار اولمشدر

اشبو تقویم وقایع شرو عنک بشنی سنه سی ابتدا کی تقویم وقایعدر